

# Afasic Geirfa

## Cyfathrebu amgen / cynyddol (AAC)

### Beth yw cyfathrebu amgen/cynyddol (AAC)?

Mae AAC yn fath o gyfathrebu sy'n ychwanegu at gyfathrebu ar lafar neu'n cymryd ei le, naill ai trwy ddyfais benodol (cyfathrebu **cynorthwyol**) neu drwy system – arwyddion neu symbolau (cyfathrebu nad yw'n gynorthwyol). Rhennir AAC yn gymhorthion neu systemau cyfathrebu uwchdechnoleg ac isdechnoleg.

Mae **cymhorthion uwchdechnoleg** fel arfer yn gymhorthion sy'n seiliedig ar deipiaduron a chyfrifiaduron sy'n defnyddio bysellfwrdd ac uned arddangos weledol ac efallai y bydd ganddynt lais. Gall y llais fod yn llais go iawn (recordiad gwirioneddol o lais person) neu'n synthetig (llais artiffisial).

Efallai y bydd y bysellfwrdd yn un QWERTY (fel ar deipiadur arferol), yn nhrefn yr wyddor neu'n dangos symbolau yn hytrach na llythrennau. Defnyddir yr olaf ar gyfer y rhai nad oes ganddynt sgiliau llythrennedd – ni fydd yn rhaid bod y plentyn neu'r oedolyn yn gallu darllen er mwyn defnyddio cymorth cyfathrebu. Gellir gweithredu llawer o gymhorthion gyda dyfais sganio gydag un botwm ar gyfer y rhai sy'n gyfyngedig o ran faint y gallant symud ee symud y ben-glin, y pen neu'r llygaid.

Mae'n bosibl hefyd amrywio nifer y symbolau a pha mor gymhleth ydynt a chyfuno'r rhain i gynhyrchu ymadroddion a brawddegau. Gall y rhan fwyaf o gymhorthion storio nifer o ymadroddion a brawddegau hefyd a gellir cael mynediad i'r rhain trwy wasgu un botwm.

**DS.** Mae'n hanfodol bod asesiad arbenigol yn cael ei gynnal gan weithiwr proffesiynol sy'n brofiadol mewn AAC cyn argymhell unrhyw ddyfais neu system, p'un a yw'n system uwchdechnoleg neu'n isdechnoleg.

Bydd **cymhorthion isdechnoleg** fel arfer ar ffurf byrddau neu fframiau pwyntio, neu gymhorthion tebyg i ffeiloffacs neu eiriadur bach, a gellir personoli pob un i ddiwallu anghenion y cleient. Unwaith eto, gellir defnyddio llythrennau, symbolau neu luniau.

Gall systemau symbolau ddefnyddio cynrychioliadau darluniadol ee Rebus, neu symbolau haniaethol ee Blissymbolics, a gellir pwyntio at y rhain neu eu nodi ar sgrîn cyfrifiadur.

Enghreifftiau eraill o gymhorthion isdechnoleg yw llechi 'hud' a nodiaduron ar gyfer ysgrifennu.

Gall systemau arwyddion fod yn syml, gan gyfleu geiriau trwy arwyddion, fel Makaton, neu gallant fod yn gymhleth gan gynnwys arwyddion gramadegol, fel Paget-Gorman neu Iaith Arwyddion Prydain.

### Cyfeiriadau

**Southgate, T, a Cochrane, G** (gol, 1990), *Communication equipment for disabled people*, Awdurdod Iechyd Rhydychen

### Awgrymiadau ar gyfer deunydd darllen pellach

**Nolan, C** (1990), *Under the Eye of the Clock*, Phoenix

**Horwood, W** (1988) *Skallagrigg*, Penguin

**Rush, W** (1986), *Journey out of Silence*, Media Publishing

Mae amrywiaeth o daflenni ar gael o'r Canolfannau ACE (gweler isod), sydd hefyd yn rhoi cyngor am asesiad.

### Taflenni Geirfa perthnasol eraill

- Nam iaith penodol (1)
- Ynganiad (10)
- Dyspraxia (18)
- Dysarthria (21)

### Sefydliadau eraill a all helpu

#### ACE/ACCESS Centre

1 Broadbent Road, Watersheddings, Oldham, Greater Manchester OL1 4HU  
Ffôn: 0161 627 1358

#### ACE Centre

Waynelete Road, Oxford OX3 8DD  
Ffôn: 01865 763508

#### Makaton Vocabulary Development Project

31 Firwood Drive, Camberley, Surrey GU15 3QD  
Ffôn: 01276 61390

#### Paget Gorman Society

3 Gipsy Lane, Headington, Oxfordshire OX3 7PT  
Ffôn: 01865 761908

#### RNID Cymru

8 Cathedral Road, Cardiff.  
Ffôn: 029 2033 3034

*Ysgrifennwyd gan Pat Mobley, therapydd lleferydd ac iaith, gyda ddiolch i Elizabeth Auger, athrawes iaith arbenigol.*